



ALIJA
IZETBEGOVIĆ
M U Z E J

NEWSLETTER

JU Muzej "Alija Izetbegović" Sarajevo

Broj 1/2026



USPJEŠNO ZAVRŠEN PROJEKT

rekonstrukcije Muzeja "Alija Izetbegović"



www.muzejalijaizetbegovic.ba

Rezultati konkursa za najbolje literarne radove

Na konkurs u organizaciji Muzeja „Alija Izetbegović“ pristiglo je 427 literarnih radova. Riječ je o velikom broju kvalitetnih i zrelih radova, zbog čega je Komisija imala izuzetno zahtjevan zadatak pri izboru najboljih.

Posebno nas raduje uključivanje i angažman uprave škola, kao i predanost nastavnika i profesora koji su ohrabivali učenike na učestvovanje, među kojima su na konkurs pristigli i radovi JU Centar za slušnu i govornu rehabilitaciju Sarajevo i Škola za srednje stručno obrazovanje i radno osposobljavanje Sarajevo, čestitamo.



Rezultati javnog konkursa za najbolje literarne radove učenika osnovnih i srednjih škola prispjelih na 14. konkurs JU Muzej „Alija Izetbegović“

Poštovani roditelji, nastavnici i učenici, Muzej „Alija Izetbegović“ je u sredstvima javnog informiranja objavio Javni poziv za prijavu na Konkurs za najbolje literarne radove učenika osnovnih i srednjih škola za 2026. godinu. Stručna komisija, nakon nekoliko sastanaka i analize svih prispjelih radova, opredijelila se da u kategoriji **OSNOVNIH ŠKOLA**, nagradi sljedeće učenice i učenike:

1. **Hajrija Šabanović**, IX-b razred JU OŠ „Mula Mustafa Bašeskija“ Donje Moštre - Visoko – **prva nagrada**.
2. **Esma Gabela**, VII-b JU OŠ „Prva osnovna škola“ Stolac – **druga nagrada**.
3. **Sara Omeragić**, V-c JU OŠ „Ivan Goran Kovačić“ Gradačac – **treća nagrada**.

U kategoriji **SREDNJIH ŠKOLA**, komisija se opredijelila da nagradi radove koje potpisuju:

1. **Harun Žetica**, IV-1 ekonomska škola, JU „Srednja škola“ Konjic – **prva nagrada**.
2. **Sarah Muminović**, III-a Prva bošnjačka gimnazija Sarajevo – **druga nagrada**.
3. **Haris Hodžić**, III razred JU Gimnazija Velika Kladuša – **treća nagrada**.



Pohvaljeni radovi u kategoriji osnovnih škola:

- **Iman Gološ**, IXa JU OŠ „Blagaj“ Blagaj-Mostar
- **Ajla Žuškić**, IX razred JU OŠ „Drežnica“ Drežnica
- **Ajnur Ibrahimović**, VIa JU OŠ „Centar“ Tuzla
- **Sarah Džajić**, VIII.1, JU OŠ „Druga osnovna škola“ Konjic
- **Davud Bektešević**, VII JU OŠ „Hašim Spahić“ Ilijaš
- **Džana Kalabić**, VIIIa JU OŠ „Maglaj“ Maglaj
- **Nedžla Dedić**, VIII JU OŠ „Sapna“ Sapna

Pohvaljeni radovi u kategoriji srednjih škola:

- **Saira Hadžomerović**, 1-3 JU SSŠ „Džemal Bijedić“ Goražde
- **Ajna Sokolović**, IV JU Treća gimnazija Sarajevo
- **Ajla Čivić**, II razred JU Srednja medicinska škola Tuzla
- **Nejra Bajraktarević**, III m11 JU MSS Zvinice
- **Nadija Frko**, I razred Gimnazija Mostar
- **Muamer Paloš**, III razred JU Srednja medicinska škola Tuzla
- **Enisa Tutundžić**, IV-b JU Srednja medicinska škola Sarajevo

Ipak, najveće priznanje pripada samim učenicima, koji su pokazali ozbiljnost, kreativnost i duboko promišljanje o zahtjevnim temama.

Također, ohrabruje i činjenica da se broj gradova učesnika iz godine u godinu povećava, te smo ove godine imali radove pristigle iz raznih krajeva naše domovine, i to: Čapljina, Doboj Istok, Stolac, Velika Kladuša, Vogošća, Tuzla, Mostar, Travnik, Bosanska Krupa, Sarajevo, Zenica, Kačuni, Hadžići, Bosanski Petrovac, Čelić, Zavidovići, Konjic, Jablanica, Sanski Most, Gradačac, Lukavac, Jajce, Ilidža, Gornji Vakuf, Živinice, Kakanj, Cazin, Buturović Polje, Vozuća, Vrhpolje, Bugojno, Breza, Ilijaš, Banovići, Sapna, Hrasnica, Ilidža, Vogošća, Srebrenik, Blagaj, Solun, Đurđevik, Podorašje, Brežani, Pajić Polje, Međida Donja, Seonica, Orahovac Dubravica, Bačanska Malta, Mramor, Simin Han, Olovo, Orašje, Vitez, Stupari, Kiseljak, Donji Vakuf, Sanski Most, Teočak, Stijepan Polje, Banovići, Drežnica, Todorovska Slepica, Podzvzd, Goražde, Visoko, Fojnica, Maglaj, Žepče, Jablanica, Gračanica, Tešanj, Semizovac, Lukavica, Novi Travnik, Ustikolina i drugih sredina.

Nakon temeljitog razmatranja i veoma zahtjevnog odlučivanja, Komisija predlaže Organizatoru da nagradi sljedeće učenike i učenice:

U kategoriji OSNOVNIH ŠKOLA

1. mjesto: Hajrija Šabanović
2. mjesto: Esma Gabela
3. mjesto: Sara Omeragić

U kategoriji SREDNJIH ŠKOLA

1. mjesto: Harun Žetica
2. mjesto: Sarah Muminović
3. mjesto: Haris Hodžić.



Manifestacija Mladi ljljani

Obilježavanje 1. marta - Dana nezavisnosti BiH


JU Muzej „Alija Izetbegović“ tradicionalno je obilježio 1. mart – Dan nezavisnosti Bosne i Hercegovine manifestacijom „Mladi ljljani“ u Pozoristu mladih Sarajevo.

Prisutnima su se obratili dr. Jasmin Medić, Viši stručni saradnik u Institut za historiju Univerzita u Sarajevu i Šejla Cakić Rizvanović, direktorica Muzeja „Alija Izetbegović“.

Poseban doprinos programu dali su učenici Srednje mašinske tehničke škole izvođenjem predstave „Pogled u bolje sutra“, koja je snažnom porukom i emotivnom izvedbom dala poseban pečat obilježavanju Dana nezavisnosti.

U sklopu programa uručene su nagrade i priznanja učenicima osnovnih i srednjih škola koji su ostvarili najuspješniji rezultat na 14. konkursu za najbolje literarne radove. Muzejske edukativne aktivnosti pružaju priliku mladima da iskažu svoje misli, ideje i umjetničke sposobnosti kroz pisanu riječ i likovni izraz.





Posebna priznanja dobili su i učesnici likovne radionice „Moj bijeg u slobodu“, a izložba njihovih radova predstavljena je u prostoru Pozorišta. Program je upotpunjen glumačkim nastupom Armina Omerović, koji je svojim izvođenjem obogatio program i donio posebnu emociju publici. Za sam kraj, posebnu radost i toplinu večeri donijeli su mališani iz vrtića Sportisimo Kids, čiji je nastup ispraćen snažnim i srdačnim aplauzom prisutnih, uz vidno oduševljenje publike. JU Muzej „Alija Izetbegović“ zahvaljuje se svim učesnicima manifestacije, direktorima, profesorima, nastavnicima, učenicima i predstavnicima obrazovnih institucija koji su svojim prisustvom uveličali obilježavanje ovog značajnog dana. Sretan 1. mart – Dan nezavisnosti Bosne i Hercegovine!




 ALIJA
IZETBEGOVIĆ
M U Z E J

Mehmed Alagić General koji je oslobađao Bosnu i Hercegovinu

Sjećanje na Mehmeda Alagića (1947-2003)

7. marta 2003. godine napustio nas je jedan od najvećih generala Armije RBiH Mehmed Alagić. Imenovan je za komandanta Trećeg korpusa Armije RBiH 1. novembra 1993. i na tom položaju ostaje do 26. februara 1994. godine kada preuzima dužnost komandanta novoosnovanog Sedmog korpusa Armije RBiH. Poslije konsolidovanja jedinica i ustrojstva korpusa počinje pobjedonosni pohod krajiškog generala kojim je, uz sadejstvo drugih jedinica Armije, oslobođen Vlašić, Kupres, Donji Vakuf te mnoga druga mjesta. U oktobru 1995. godine jedinice 5. i 7. korpusa pod komandom Atifa Dudakovića i Mehmeda Alagića ulaze u Sanski most. Zaustavljen je pred Prijedorom i Banjom Lukom pod pritiskom međunarodne zajednice. Nakon agresije izabran je za načelnika Sanskog Mosta.

Sedmog marta 2003. godine proslavljeni bosanski i krajiški borac seli na bolji svijet. Dženaza mu je klanjana u rodnim Fajtovcima pred oko 20 000 ljudi.

JU Četvrta gimnazija Sarajevo

1. Mart - Dan nezavisnosti Bosne i Hercegovine



U sklopu obilježavanja 1 marta - Dana nezavisnosti BiH u JU Četvrta gimnazija Sarajevo predstavljena je izložba fotografija iz fundusa Muzeja "Alija Izetbegović" pod nazivom "1. mart - Dan nezavisnosti BiH".

Izložba obuhvata autentične fotografije, replike dokumenata i novinske članke koji se tematski odnose na 1. Mart -Dan nezavisnosti Bosne i Hercegovine.

Zahvaljujemo se Upravi škole na uspješnoj saradnji i interesu za obilježavanje značajnih datuma naše domovine!





Projekat restauracije muzeja i unapređenja muzejske postavke

Sporazum o saradnji

U prostorijama Muzeja "Alija Izetbegović" u Sarajevu 26. marta 2026. godine potpisan je sporazum o saradnji između Muzeja i Turske agencije za saradnju i koordinaciju (TIKA), čime je ozvaničena realizacija sveobuhvatnog projekta restauracije objekta i unapređenja muzejske postavke. Sporazum su potpisali direktorica Muzeja Šejla Cakić Rizvanović i koordinator TIKA-e gosp. Gokhan Umut. Projekat obuhvata obnovu krova, sanaciju stepeništa, kao i funkcionalno i estetsko unapređenje enterijera i pratećih prostora, s ciljem očuvanja kulturno-historijskog naslijeđa i unapređenja uslova za prezentaciju sadržaja.

Muzejska postavka, organizirana unutar dvije kule i bedema koji ih povezuje, bit će oblikovana kao jedinstvena prostorna i narativna cjelina koja odgovara specifičnostima historijskog objekta. Kroz pažljivo osmišljen dizajnerski koncept, prostor će biti prilagođen savremenim muzejskim standardima, uz očuvanje njegove autentičnosti.

Redizajn uključuje unapređenje recepcijskog i galerijskog prostora, čime će se stvoriti uslovi za kvalitetniju interpretaciju izložbenog sadržaja.

Nova muzejska postavka o Aliji Izetbegoviću dodatno će obogatiti narativ izložbe i omogućiti posjetiocima dublje razumijevanje njegove historijske uloge i naslijeđa u kontekstu savremene Bosne i Hercegovine.

Potpisivanjem sporazuma potvrđena je zajednička opredijeljenost za očuvanje, zaštitu i daljnje unapređenje Muzeja "Alije Izetbegovića".



“Islam između Istoka i Zapada” dostupna u knjižarama “Svjetlost”

Knjigu „Islam između Istoka i Zapada“ autora Alije Izetbegovića, pored suvenirnice Muzeja, možete kupiti i u knjižarama Svjetlost.

U ovom djelu autor promišlja o islamu i njegovom mjestu u savremenom svijetu, otvarajući niz tema i pitanja koja se tiču čovjekovog stanja, civilizacije, vjere i odnosa između Istoka i Zapada.

Djelo je prvi put objavljeno na engleskom jeziku 1984. godine, dok je na bosanskom objavljeno 1988. godine u periodu kada je autor bio u zatvoru. Tokom godina knjiga je prevedena na više svjetskih jezika i ostala je jedno od najutjecajnijih djela savremene islamske misli.



Abdulah Sidran

Abdulah Sidran je ostavio neizbrisiv trag u kulturi Bosne i Hercegovine, ali i u kolektivnom pamćenju našeg naroda.

Muzej “Alija Izetbegović” s posebnim poštovanjem čuva sjećanje na ljude koji su svojim radom i riječju doprinijeli očuvanju identiteta i dostojanstva naše zemlje.

Abdulah Sidran bio je jedan od njih.

MORA

Šta to radiš sine?

Sanjam, majko. Sanjam, majko, kako pjevam, a ti me pitaš, u mom snu: šta to činiš, sinko?

O čemu, u snu, pjevaš, sine?


Pjevam, majko, kako sam imao kuću.

A sad nemam kuće. O tome pjevam, majko.

Kako sam, majko, imao glas, i jezik svoj imao.

A sad ni glasa, ni jezika nemam.

Glasom, koga nemam, u jeziku, koga nemam, o kući, koju nemam, ja pjevam pjesmu, majko.



Projekat restauracije muzeja i unapređenja muzejske postavke

Obavijest

Dragi posjetioči,

Obavještavamo vas da će Muzej “Alija Izetbegović”, zbog radova na rekonstrukciji, biti privremeno zatvoren za posjete od 16.4.2026.godine.

Radimo na unapređenju prostora kako bismo vam uskoro omogućili još kvalitetnije iskustvo.

Hvala vam na razumijevanju i radujemo se ponovnom susretu.



**ZBOG IZVOĐENJA RADOVA NA REKONSTRUKCIJI I UNAPRIJEĐENJU
MUZEJSKE POSTAVKE, MUZEJ “ALIJA IZETBEGOVIĆ” PRIVREMENO
NEĆE BITI DOSTUPAN ZA POSJETE.**

Sajam knjige

Na 37. Sarajevskom sajmu knjige od 22. do 27. aprila 2026. godine, Muzej "Alija Izetbegović" je u saradnji sa izdavačkom kućom El Kalem predstavio izdanja iz vlastite izdavačke djelatnosti!



Otvorenje izložbe "Sjećanja" i projekcija filma "Naslijeđe i vrijeme"

S poštovanjem i zahvalnošću prema čovjeku čije je ime trajno urezano u historiju Bosne i Hercegovine, u četvrtak je (27. august 2026.) u foajeu Doma kulture Kakanj upriličen događaj posvećen 101. godišnjici rođenja Alije Izetbegovića, prvog predsjednika Predsjedništva nezavisne Republike Bosne i Hercegovine.


U dostojanstvenoj atmosferi, pred publikom koja je s empatijom pratila svaku riječ i sliku, otvorena je izložba "Sjećanja" i prikazan dokumentarni film "Naslijeđe i vrijeme".

Ovaj program zajednički su organizovali JU KSC Kakanj /muzejski odjel i Muzej „Alija Izetbegović“, koji je i ustupio izložbu i film.

Izložbu je otvorila i o njoj, kao i o filmu, govorila Sanda Hasagić Terzić, stručna savjetnica za muzejske zbirke Muzeja Kakanja, naglašavajući važnost očuvanja sjećanja i naslijeđa koje nas obavezuje.

Od 1. septembra 2026. izložba "Sjećanja" bit će dostupna u Muzeju Kakanja, gdje će nastaviti da svjedoči o životu i misiji čovjeka čije ime ostaje duboko urezano u historiju Bosne i Hercegovine.





Muzeju „Alija Izetbegović“ dodijeljena Plaketa Zeničko-dobojskog kantona

Muzeju „Alija Izetbegović“ iz Sarajeva dodijeljena je Plaketa Zeničko-dobojskog kantona, jedno od najviših javnih priznanja ovog kantona.

Plaketa je dodijeljena 29. augusta 2026. godine na svečanoj sjednici Skupštine Zeničko-dobojskog kantona, održanoj povodom Dana Zeničko-dobojskog kantona. Ovo značajno priznanje predstavlja potvrdu vrijednosti i značaja rada Muzeja „Alija Izetbegović“ na očuvanju kulturno-historijskog naslijeđa Bosne i Hercegovine, kao i njegovanju sjećanja na ključne događaje i ličnosti iz njene savremene historije.

Dan Zeničko-dobojskog kantona obilježava se u znak sjećanja na 29. august 1189. godine, kada je bosanski ban Kulin izdao Povelju Kulina bana, jedan od najznačajnijih dokumenata bosanske državnosti. Povelja Zeničko-dobojskog kantona pripala je Ivi Josipoviću, bivšem predsjedniku Republike Hrvatske.

Priznanje predstavlja još jednu potvrdu značaja rada Muzeja „Alija Izetbegović“ i njegove misije da kroz muzejske zbirke, izložbe, istraživački i edukativni rad doprinosi očuvanju i promociji historije Bosne i Hercegovine.



8. august

Dan rođenja Alije Izetbegovića

Prisjećamo se rođenja Alije Izetbegovića, državnika, mislioca i prvog predsjednika Predsjedništva Republike Bosne i Hercegovine, čiji život i djelo zauzimaju posebno mjesto u savremenoj historiji naše zemlje.



Rođen je 8. augusta 1925. godine u Bosanskom Šamcu, a umro 19. oktobra 2003. godine u Sarajevu.

Njegova vizija slobodne, nezavisne i demokratske Bosne i Hercegovine, kao i vrijednosti kojima je ostao dosljedan, nastavljaju biti predmet proučavanja i inspiracija novim generacijama. Postoje datumi koji nas ne podsjećaju samo na prošlost, već nas pozivaju da razmišljamo o vrijednostima koje ostaju trajne.

Ovim povodom s radošću vas obavještavamo da je uspješno završen projekt rekonstrukcije Muzeja "Alija Izetbegović" u saradnji sa TIKA in Bosnia and Herzegovina te da će vrata obnovljenog prostora uskoro ponovo biti otvorena za sve posjetioce.

Više informacija podijelit ćemo u narednom periodu.







ALIJA
IZETBEGOVIĆ
M U Z E J